

Broj: A-III-40/20-V
Sarajevo, 03.11.2020. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj: 20/02, 22/02 i 30/08), člana 64. stav 1) tačka b), člana 25., 70. i 98. Zakona o javnim nabavkama („Službeni glasnik BiH”, broj 39/14) – u daljem tekstu: ZJN, člana 6. i 39. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/2019 od 26.07.2019. godine, te preporuke Komisije za provođenje postupka javne nabavke roba: „**Nabavka licenci za potrebe Kantonalnog tužilaštva Kantona Sarajevo**“, date u Zapisniku broj: A-III-40/20–IV od 02.11.2020. godine, Glavna kantonalna tužiteljica donosi:

O D L U K U

o izboru najpovoljnijeg ponuđača i dodjeli ugovora za nabavku licenci za potrebe Kantonalnog tužilaštva Kantona Sarajevo

I

Prihvata se preporuka Komisije za javne nabavke i Ugovor o nabavci roba – licenci za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču **“R&S” d.o.o. Sarajevo, Igmanjska b.b., 71320 Vogošća,** a prema ponudi broj: 27892/20 od 26.10.2020. godine, s ukupnom cijenom **39.505,00 KM bez PDV-a, odnosno 46.220,85 KM sa PDV-om,** kao najbolje ocijenjena ponuda.

II

Ugovor o javnoj nabavci dostavit će se na potpis izabranom **“R&S” d.o.o. Sarajevo,** po proteku roka od 15 dana od dana kada su ponuđači obaviješteni o izboru najpovoljnijeg ponuđača, u skladu sa članom 98. stav (1) ZJN.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav (6) ZJN.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) ZJN.



Obrazloženje

Na osnovu Odluke o pokretanju postupka javne nabavke broj: A-III-40/20-II od 14.09.2020. godine pokrenut je postupak javne nabavke roba: „**Nabavka licenci za potrebe Kantonalnog tužilaštva Kantona Sarajevo**“, procijenjene vrijednosti 39.600,00 KM bez PDV-a, putem otvorenog postupka javne nabavke roba.

Obavještenje o nabavci broj: 274-1-1-102-3-11/20 od 09.10.2020. godine objavljeno je na Portalu javnih nabavki, zajedno sa cjelokupnim tekstom Tenderske dokumentacije, a sažetak obavještenja o nabavci objavljen je u Službenom glasniku BiH.

Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.

Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-166/20 (u daljem tekstu: Komisija) je dana 27.10.2020. godine u 11:15 sati, u prostorijama Ugovornog organa izvršila javno otvaranje ponuda i sačinila Zapisnik sa otvaranja ponuda, u kojem je konstatovala da su u predmetnom postupku blagovremeno zaprimljene 3 (tri) ponude. Javnom otvaranju ponuda nije bilo prisutanih predstavnika ponuđača. Zapisnik sa otvaranja ponuda dostavljen je svim ponuđačima koji su učestvovali u postupku javne nabavke u zakonskom roku, u skladu sa članom 63. stav 6. Zakona o javnim nabavkama.


Nakon otvaranja ponuda, Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-40/20-IV od 02.11.2020. godine, koji je sastavni dio ove Odluke, i u kome je konstatovala sljedeće:

U ostavljenom roku blagovremeno su pristigle tri (3) ponude i to ponude ponuđača: „**R&S**“ d.o.o. Sarajevo, „**LOGOSOFT**“ d.o.o. Sarajevo i „**DIGITARIJA**“ d.o.o. Sarajevo.

Komisija je konstatovala da su dostavljene ponuda ponuđača: „**LOGOSOFT**“ d.o.o., „**R&S**“ d.o.o. i „**DIGITARIJA**“ d.o.o. prihvatljive prema obliku, sadržaju, potpunosti i sposobnosti obavljanja registrovane djelatnosti.

Komisija je daljom analizom prihvatljivih ponuda u pogledu traženih i dostavljenih dokumenta na osnovu kojih se utvrđuje postoje li razlozi isključenja ponuđača – obavezni uslovi za kvalifikaciju, izvršila uvid u ponude u pogledu zadovoljavanja **tehničkih uslova za predmete nabavke**, zahtijevane u tehničkoj specifikaciji, datoj u Obrascu za cijenu ponude – robe – Aneks 3. tenderske dokumentacije Otvorenog postupka, te **shodno mišljenju IKT službe KTKS** utvrdila da su ponude ponuđača „**R&S**“ d.o.o. Sarajevo i „**LOGOSOFT**“ d.o.o. Sarajevo **prihvatljive**, odnosno da su iste u skladu sa tehničkom specifikacijom, dok ponuda ponuđača „**DIGITARIJA**“ d.o.o. Sarajevo **ne zadovoljava uslove** koji su postavljeni u Aneksu 3. – Obrazac za cijenu ponude – robe u stavkama pod rednim brojevima 2. i 3.

Naime, ponuđač „**DIGITARIJA**“ d.o.o. Sarajevo je ponudio **neodgovarajuće licence za stavke 2. i 3. Obrasca za cijenu ponude – robe**, odnosno Ugovorni organ je za stavke 2. i 3. zahtijevao OLP licence, a ponuđač „**DIGITARIJA**“ d.o.o. Sarajevo je za stavku 2. ponudio FPP licence, a za stavku 3. OLV licence.



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

- **Za stavku 2.** Obrasca za cijenu ponude je tražena WinPro 10 **OLP** licenca, koja se isporučuje kroz Open Licence Program i to elektronskim putem preko VLSC portala. Korisnik dobija 1 (jedan) ključ, koji može da koristi na onoliko uređaja koliko je licenci kupio. Ono što je najbitnije, licenca ima downgrade pravo, tako da ista pokriva i prethodne verzije ovog operativnog sistema i licenca je trajna. Ponuđač „DIGITARIJA“ d.o.o. Sarajevo je ponudi **FPP** licencu Windows Profesional, koja se isporučuje kroz retail kanal, software se isporučuje na USB sticku i svaka licenca ima svoj ključ kojim se aktivira. Ovakva licenca nema downgrade pravo, tj. ne pokriva prethodne verzije ovog operativnog sistema. Korisnik mora čuvati kutije, jer su one dokaz legalnosti. Ukoliko istu izgube ili unište, izgubili su i licencu, što nije slučaj sa OLP licencom, koja je uvijek dostupna na VLSC portalu. Stoga, ponuđena licenca ne zadovoljava tražene karakteristike.
- **Za stavku 3.** Obrasca za cijenu ponude je tražena licenca CoreCal **OLP** licenca. Ovo je licenca, koja se isporučuje kroz Open Licence Program i to elektronskim putem preko VLSC portala, trajna je licenca i kupuje se jednokratno. Ponuđač „DIGITARIJA“ d.o.o. Sarajevo je ponudi CoreCal **OLV** licence na period od 1 godine. Ovo nije trajna licenca, već jednogodišnja pretplata na ovu licencu. U nazivu ponuđene licence je to i označeno oznakom 1Y – 1 year (1 godina). Stoga ponuđena licenca nije u skladu sa traženim, jer je tražena OLP licenca koja je trajna.


Iz svega navedenog, Komisija konstatuje da ponuda ponuđača „DIGITARIJA“ d.o.o. Sarajevo nije u skladu s tehničkim karakteristikama traženim u Obrascu za cijenu ponude – robe – Aneks 3., te samim time za Ugovorni organ je **neprihvatljiva**.

Komisija konstatuje da je u skladu sa tačkom 10.5. TD izvršila provjeru računskih ispravnosti ponuda, te da nijedna ponuda nije imala računskih grešaka.

Polazeći od gore navedenih konstatacija i činjenice da su dvije (2) blagovremeno pristigle ponude prihvatljive za ugovorni organ, s obzirom da ispunjavaju uslove iz tenderske dokumentacije otvorenog postupka i zadovoljavaju uslove zahtijevane u tehničkoj specifikaciji Obrasca za cijenu ponude – robe – Aneks 3., Komisija je pristupila vrednovanju prihvatljivih ponuda, shodno utvrđenom kriteriju „**najniža cijena**“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih ponuda za nabavku roba: „**Nabavka licenci za potrebe Kantonalnog tužilaštva Kantona Sarajevo**“, prije održavanja e-aukcije sljedeći:

R.B.	Naziv ponuđača	Vrijednost ponude bez PDV-a
1.	“R&S” d.o.o.; broj: ponude: 27892/20	39.505,00 KM
2.	“Logosoft” d.o.o.; broj ponude: 067-01-SA/20-T	39.592,70 KM

Komisija je nastavila sa radom dana 02.11.2020. godine, za kada je E-aukcija zakazana sa početkom u 12:00:00 sati i trajala je do 12:10:00 sati.



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Shodno izvještaju o toku i završetku E-aukcije, kreiranog od strane AJN, rang lista prihvatljivih ponuda nakon e-aukcije je:

R.B.	Naziv ponuđača	Vrijednost ponude bez PDV-a (KM)
1.	"R&S" d.o.o.; broj: ponude: 27892/20	39.505,00 KM
2.	"Logosoft" d.o.o.; broj ponude: 067-01-SA/20-T	39.592,70 KM

Kao prvorangirana najpovoljnija ponuda, prema kriteriju najniža cijena, je ponuda izabranog ponuđača "R&S" d.o.o. Sarajevo, Igmanska b.b., 71320 Vogošća, s ponuđenom cijenom 39.505,00 KM bez PDV-a, odnosno 46.220,85 KM sa PDV-om.

Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.



Dostavljeno:
- Ponuđači 3x,
- Komisija,
- U spis.